

Q. k. 517, 16

CARMINA GRATVLATORIA
IN HONOREM
ORNATISSIMI, DOCTISSIMIQVE
ADOLESCENTIS IOANNIS SEITZII
VVidernensis: cum ei in inclyta Academia, Argento-
ratenfium, Decanatum, Medicinæ & Philofophiæ Do-
ctore, D. Ioanne Ludouico Hauuenreutero gerente,
fummus philofophiæ Gradus V. Calend. Aprilis,
Anno M. D. XXCVII,
tribueretur.



X 2005928

SCRIPTA AB AMICIS.



ARGENTORATI
Excudebat Antonius Bertramus,
cl. l. xxcvii.



Handwritten text, mostly illegible due to fading and bleed-through from the reverse side of the page.



Additional handwritten text at the bottom of the page, including a signature and date.





Inthius Eoo cum sese tollet ab orbe,
Bisq; ter Hesperio littore condet equos:
Donatibi Phæbus tribuet titulumq; Magistri:
Inter honoratos constituetq; viros.
Cur ita? Pierijs quoniam constanter in hortis,
Te inuit studijs inuigilasse bonis.
Qualia dona refer? decorabit mitra capillos:
Annulus aſt digitos: corpora picta chlamys.
Cerea præterea rutilanti lumine lampas,
Lucebit claru templa per ampla DEI.
Ipse pater Phæbus tibi docta volumina tradat;
Quæ modo sidereo protulit ore puer.
Quid sibi mitra volet? quid, qui premet annulus arcto
Orbe tuos digitos? quid sibi picta chlamys?
Quid sibi, quam, ueri præcuntes, lampada gestant?
Quid quæ doctilo quis sunt perarata libris?
Ieiunam monstrant amethystina tegmina vitam:
Laudatq; notant sobrietatis opes.
Aureus articulos pulchro terit annulus orbe:
Aonio signans præmia digna choro.
Indueris chlamydem generosi militis instar,
Obuius ut clariis hostibus ire quæas.
Nocturnos fragrans præbet tibi cereus ignes:
Ut studio Musas feruidiore colas.
Deniq; recluso prohibetur codice: scripta
Ne linguas longo puluerulenta situ.
Ergo quæ dantur memori cape munera mente:
Dignaq; muneribus gaudia corde foue.
Sic Phæbeus honos felici tramite cedit:
Hisq; feres donis mox meliora. Vale.

Christophorus Kirchnerus
Schmalkaldensis.

A 2 ALIVD.

ALIVD.

Iam quoq; fers aditi mecum monumenta laboris,
 O mea mens, SEITZI delictumq; meum.
 Et quam sit lepto superata molestia tergo,
 Redderis exemplo certior ipse tuo.
 Perge: tibi studiisq; tuis arrideat ether:
 Quemq; paras, patria te sinat esse virum.
 Iustus Meierus Nouiomagns.

ALIVD.

Transige felICES saLVVs feLICIter annos,
 Cæptaq; Ve fortVnet. DeVs ô t lbI lane secVnDa.
 Petrus Prem Ienensis.

ALIVD.

ELoquar? an sileam? quos nunc decernit honores,
 Lux hæc effulgens, dulcis amice tibi.
 Non dedit ingenium: non labra rigauit Apollo,
 Carmina pro meritis, vt tibi ferre queam.
 Est decus hoc magnum, multâ quod laude parasti,
 Est hic Meonio carmine dignus honos.
 Sed mihi, Parnassi nunquam versatus in umbra,
 Difficilem tribuit Calliopeia sonum.
 Nostra tamen stricte, iunxit qui pectora vinclo,
 Me vocat in calamos, non violandus amor:
 Atq; iubet tenui tibi nunc applaudere versu,
 Letitiaq; simul signa referre mea:
 Ergo, Pierios animo tibi grator honores,
 Quos capis ex studiis, pramia digna tuis.

His

*His letare bonis; his multos utere in annos
Egregia Aonij, spes tibi IANE chori.
Hoc precor & opto, rigida sint scripta Camæna
Metra licet: fida mente profecta tamen.
Benedictus Moser Carinthius.*

ALIVD.

*Q*uid iuuat immensos studijs tribuisse labores?
Tempora quid Musis multa dedisse iuuat?
Quid toties noctem studijs iunxisse diei?
Quid sumnos oculis præripuisse leues?
Scilicet has referunt grates hæc præmia Musæ,
Quæ confert SEVCI lux hodierna tibi:
Hinc digitus rutilo splendet circumdatus auro:
Hinc caput exornat grata tiara tuum:
Hincq; novos titulos, & nomina clara Magistri,
Nomina quæ nunquam sunt peritura refers.
Gaude phæbe: nouem pariter gaudete sorores:
Et læta dulces mittite voce sonos:
Ecce nouus miles, vestros qui sæuus in hostes
Sæpius irrumpet, barbariemq; premet.
Tu quoq; fac mæstas procul omnes pectore curas
Pellas, & partis ritè fruare bonis.
Quod superest, reliquis tibi qui gratantur amicis,
Corde hæc ardenti iungere vota volo:
Vt tibi quos phæbus meritos decernit honores,
Quæq; labore tenes præmia parta tuo.
Ad Domini cedant laudemq; decusq; tonantis,
Atq; tibi & patriæ commoda mille ferant.

Christophorus Grundnerus
Villacensis.

A 3

ALIVD.

ALIVD.

*S*ic decet ô Seitzî doctas formare per artes
 Mentem: ac ingenium sic coluisse sat est.
 Aonij vt valeas culmen conscendere montis,
 Et Parnassiaco fonte leuare sitim.
 Ergò tibi referunt gratæ sua premia Muse
 Quæ meruit virtus, ingeniumq; tuu n.
 Iamq; graues titulos, tibi n. agnâq; nomina donant
 Quæ Regale ferè pondus habere solent.
 Nomina clara ferunt, & splendida signa Magistri
 Vt tua per terras fama perennis eat.
 Hæc est illud dies longos optata per annos
 Quæ tibi perpetuum nomen in orbe parit.
 Sic placuisse tuo poteris, Charissime, patri
 Ioannes Clarij clara corona chori.
 Laudem præclaram patria sic semper habebis
 Quæ tibi non paucos optat habere pares.
 Ergò tibi Seitzî tantum quem carpis honorem
 Grator: & ex animo prospera quæq; precor.
 Quod super est: placida quæ tradimus accipe fronte,
 Impariter iunctis condita verba modis,
 Cum mihi se faciles præstabunt carmine Muse,
 Crescet & ingenium, tum meliora dabo.
 Et ne tam spectes oblatum munus amice,
 Quàm mentem qua te prosequor ipse. Vale.

Gasparus Radt Laubacensis
 Vuetteraius Solmeius.


ALIVD.

ALIUD.

Iam patet excelsa celeberrima culmine turris:
Quo non est toto maius in orbe decus.
Argentina tuos non despectura labores,
Quaeq; tuum dulci pignore sistit iter.
Eheu quanta tulit quoties sudavit & alsit
Pythia qui docte suauiter ore canit.
Heu quoties vigil his longas traducere noctes
Consuevit clarum qui parat arte decus?
Heu quoties vidit versari in mille periclis?
Plura & sexcentis verbera sustinuit?
Totq; mala est passus quot in aethere sydera lucent
Quicumq; est merito premia laudis habet.
Non te luxuries non turpis inertia fregit:
Cura tibi studijs incubuisse fuit:
Ac verum ut fatear non haec tibi gloria summo *haec*
Peruenit, è studijs non aliunde venit.
Iam pater Astripotens tibi munera iusta rependit,
Praemia pro magno magna labore capis
Iam tibi perpetuos studiorum carpis honores:
Carpis & ingenij dona beata tui.
Ergo tibi merito nunc grator amicus amice:
Et votis adsint, prospera cuncta precor
Et precor ut tanto maior tibi gloria surgat,
Quò magis ingenio niteris usq; tuo.

Ioannes Lebkücherus
VVimpinensis.

FINIS



B.I.G.

Farbkarte #13

Q. k. 517, 16.

CARMINA GRATVLATORIA
IN HONOREM
ORNATISSIMI, DOCTISSIMIQUE
ADOLESCENTIS IOANNIS SEITZII
Vidernensis: cum ei in inclyta Academia, Argento-
ratenſium, Decanatum, Medicinæ & Philoſophiæ Do-
ctore, D. Ioanne Ludouico Hauenreutero gerente,
ſummus philoſophiæ Gradus V. Calend. Aprilis,
Anno M. D. X X C V I I,
tribueretur.

II n
7791

X 2005928

SCRIPTA AB AMICIS.



ARGENTORATI
Excudebat Antonius Bertramus,
cl. l. xxcvii.

